

Na osnovu člana 52. Statuta Grada Bihaća („Službeni glasnik Grada Bihaća“, broj: 13/15 i 13/18) i člana 27. Odluke o načinu držanja i zaštiti pasa i mačaka kao kućnih ljubimaca i napuštenih i izgubljenih pasa („Službeni glasnik Grada Bihaća“, broj: 02/22), gradonačelnik Grada Bihaća, donosi:

PRAVILNIK

o sufinansiranju pravnih lica koja su registrirana za zaštitu i dobrobit životinja

DIO PRVI-OPĆE ODREDBE

Član 1.

(Predmet)

Pravilnikom o sufinansiranju pravnih lica koja su registrirana za zaštitu i dobrobit životinja (u daljem tekstu: Pravilnik) utvrđuju se načini i uslovi raspodjele finansijskih sredstava planiranih Budžetom Grada Bihaća za sufinansiranje zbrinjavanja pasa litalica, postupak po javnom pozivu, zaključenje ugovora, nadzor nad namjenskim utroškom sredstava.

Član 2.

(Namjena korištenja sredstava)

- (1) U smislu ovog Pravilnika sredstva iz člana 1. koriste se za sufinansiranje projekata i aktivnosti udruženja koja su registrirana za zaštitu i dobrobit životinja (u daljem tekstu: Udruženje).
- (2) Grad će pri dodjeli sredstava primjenjivati načelo kojim će se osigurati da se raspoloživim sredstvima postigne najveća ukupna korist za zaštitu i dobrobit životinja.

Član 3.

(Korisnici sredstava)

Korisnici sredstava po osnovu ovog Pravilnika su Udruženja koja imaju sjedište, obavljaju djelatnost i implementiraju projekte na području grada Bihaća.

Član 4.

(Osnova za raspodjelu sredstava)

- (1) Raspodjela sredstava iz člana 1. ovog Pravilnika vrši se na osnovu Konačnog Izvještaja Komisije iz člana 10. ovog Pravilnika na koji saglasnost daje gradonačelnik. Sredstva se dodjeljuju za projekte u vrijednosti do 20.000 KM koji za cilj imaju:

- a) jačanje tehničkih kapaciteta Udruženja,
 - b) izgradnju skloništa za životinje,
 - c) promociju i jačanje svijesti građana o zaštiti i dobrobiti životinja.
- (2) Sredstva se mogu dodijeliti i na osnovu Zaključka gradonačelnika, po pojedinačnom zahtjevu Udruženja, u vrijednosti do 1.000 KM, isključivo u svrhu nabavke hrane, veterinarske skrbi i socijalizacije pasa.

DIO DRUGI-POSTUPAK PO JAVNOM POZIVU, ZAKLJUČENJE UGOVORA, NADZOR

POGLAVLJE I-POSTUPAK PO JAVNOM POZIVU

Član 5.

(Raspisivanje javnog poziva)

- (1) Javni poziv za kandidiranje projekata za dodjelu sredstava raspisuje gradonačelnik Grada Bihaća.
- (2) Javni poziv za dodjelu sredstava objavljuje se najmanje na web-stranici Grada Bihaća (www.bihac.org).

Član 6.

(Sadržaj javnog poziva)

Javni poziv iz člana 5. ovog Pravilnika sadrži:

- a) predmet javnog poziva,
- b) uslove učešća (pravo učešća, vrsta projekata, popis dokumenata koji se prilažu uz prijavu, kriterije isključenja, vrijednost projekata),
- c) prijavni obrasci (projektni prijedlog, budžet i naljepnica za kovertu za slanje projekta),
- d) kriteriji za ocjenu,
- e) način podnošenja prijave,
- f) rok za podnošenje prijave koji je 15 dana od dana objave javnog poziva,
- g) naziv i sjedište organa kome se podnose prijave,
- h) način obavještanja o rezultatima javnog poziva.

Član 7.

(Prijavni obrazac)

Prijava za dodjelu sredstava, odnosno sufinansiranje projekata, posebno za svaki predloženi projekat, dostavlja se na obrascu ovjerenom i potpisanom od strane odgovorne osobe i treba da sadrži:

- a) informacije o podnosiocu projekta (naziv prijavitelja, odgovorna osoba, kontakt osoba za realizaciju projekta, kontakt podaci),
- b) naziv projekta (ne više od 8 riječi),

- c) lokaciju implementacije projekta,
- d) ukupan budžet projekta i izvore financiranja,
- e) sažetak projekta,
- f) opći cilj i specifične ciljeve projekta,
- g) relevantnost projekta,
- h) očekivane rezultate,
- i) projektne aktivnosti po fazama i vremenski okvir,
- j) održivost projekta,
- k) partnere na projektu (ukoliko ih ima),
- l) budžet projekta (Aneks 1),
- m) detalje o sufinanciranju (ukoliko postoje vlastiti ili drugi izvori financiranja),
- n) opis organizacije prijavitelja,
- o) način praćenja projekta i interni nadzor,
- p) broj žiro-računa i naziv banke kod koje je otvoren račun.

Član 8.

(Dokazi o ispunjavanju uslova)

Udruženja prijavitelji na javni poziv su dužna dostaviti sljedeću dokumentaciju kako bi dokazala ispunjavanje uslova:

- a) Rješenje o upisu u registar neprofitnih organizacija kod Ministarstva pravosuđa i uprave Unsko-sanskog kantona iz kojeg je vidljivo sjedište udruženja na području Bihaća i djelatnost usmjerena za zaštitu i dobrobit životinja i Izvod iz Registra neprofitnih organizacija (original ili ovjerena kopija originala koja mora biti ovjerena od strane nadležnog organa i ne starija od 3 mjeseca od dana objave javnog poziva).
- b) Uvjerenje o poreznoj registraciji, odnosno ID broj, koje izdaje Porezna uprava F BiH Kantonalni ured Bihać - dostavlja se ovjerena kopija originala koja mora biti ovjerena od strane nadležnog organa, a datum ovjere kopije ne smije biti stariji od 3 mjeseca od dana objave javnog poziva,
- c) Karton deponovanih potpisa iz banke osoba odgovornih za financije - dostavlja se u ovjerenoj kopiji originala koja mora biti ovjerena od strane nadležnog organa, a datum ovjere kopije ne smije biti stariji od 3 mjeseca od dana objave javnog poziva.
- d) Bilans stanja i bilans uspjeha za prethodnu kalendarsku godinu, ili početni bilans ako je udruženje počelo sa radom tekuće godine - dostavlja se u ovjerenoj kopiji originala koja mora biti ovjerena od strane nadležnog organa, a datum ovjere kopije ne smije biti stariji od 3 mjeseca od dana objave javnog poziva.
- e) Godišnji narativni izvještaj za prethodnu godinu.
- f) Predračun ili ponudu za svaku stavku nabavki iz Budžeta projekta koja je u iznosu većem od 500,00 KM. Predračun ili ponuda ne može biti urađen od strane samog udruženja.

